

Peqqinnissaqarfiup aqunneqarnera, aaqqissuussaanera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaanni nr. 27, 18. november 2010-meersumi § 3, imm. 2 naapertorlugu nalunaarusiornissamik Naalakkersuisut peqquneqarnissaannik Inatsisartut aalajangiiffigisassaattut siunnersuut. Nalunaarutip minnerpaamik imarissavai atorfiup illersugaanera aammalu katsorsartittut pisinnaatitaaffii pillugit aalajangersakkat. Soqutigisaqartut attuumassuteqartut nalunaarutip imarisasaanik suliagarnermi akuutinneqassapput.

(Inatsisartunut ilaasortaq Aqqa Samuelson, Inuit Ataqatigiit)

Akissuteqaat

(Peqqissutsimut, Isumaginninnermut, Inatsisinillu Atuutsitsinnermut Naalakkersuisoq)

Aappassaaneerpeqarnera

Aalajangiiffigisassatut siunnersuut 139 qulaani taaneqartoq pillugu Naalakkersuisut Ilaqutariinnermut Peqqissutsimullu Ataatsimiititaliaq sulilluarsimaneranut qutsavigaat.

Siullermeerpeqarnerani Naalakkersuisut imaattumik allannguutissamik tunniussippot:

”Peqqinnissaqarfiup aqunneqarnera, aaqqissuussaanera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaanni nr. 27-mi 18. november 2010-meersumi § 3, imm. 2 tunngavigalugu tarnip pissusaanik ilisimasallit pillugit nalunaarutiliorsinnaanermi Naalakkersuisut ukiamut 2020-mut misissuissuinissaq siunertaralugu aallartinnissaannut Inatsisartut Aalajangiiffigisassaattut siunnersuut. Misissuineq isumalluutinik atuinnermik, suliassamullu tunngasunik pitsaaqutinik ajoqutinillu erseqqissaassaaq. Susassaqaqatigiit attuumasutillit ilaatinneqassapput.”

Oqaluserisassaq pillugu Ataatsimiititaliaq allakkatigut apeqquteqaateqarsimavoq allannguutissatut siunnersuutip nassuiaavigineqaqqullugu itisilerneqaqqullugulu.

Tassunga atatillugu ataatsimiititaliap paasivaa allannguutissatut siunnersuut tunngavigalugu Naalakkersuisut isumalluutinik atuinnerup, iluaqutaasut akornutaasullu sammisap iluani paasisaqarnerorusussimallutik.

Peqqinnissaqarfiup aqunneqarnera, aaqqissuussaanera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaanni nr. 27, 18. november 2010-meersumi § 3, imm. 2 naapertorlugu, malittarisassaliorneq makkuninnga imaqarsinnaavoq, atorfiup illersugaanera, peqqinnissamut tunngasutigut sullissisut aamma tarnip pissusaanik ilisimasallit pisussaaffii, katsorsartittut pisinnaatitaaffii, nakkutilliineq kiisalu pissutsit naapertuuttut allat.

Naatsorsuutigineqarpoq nalunaarusiaq ukiakkut 2020-mi saqqummiunneqarnissaa.

Naalakkersuisut maluginiarpaat ataatsimiititaliaq isumaqatigiittup allannguutissatut siunnersuut akuerineqassasoq inassutigimmassuk.

Taamatut oqaaseqarlunga Naalakkersuisut allannguutissatut siunnersuut akuerineqarnissaanut inassuteqaateqarput.